

清·方略館 編

清代 方略 全書

北京圖書館出版社



清代方略全書

一七三

清·方略館編

北京圖書館出版社

清·奕訢等撰

欽定平定陝甘新疆回匪方略

卷一七——三一

清光緒二十二年（一八九六）鉛印本

欽定平定陝甘新疆回匪方略卷十七

壬戌年



七月十九日

庚子

欽差大臣兵部左侍郎勝保奏言多隆阿一軍因粵匪竄撲南陽道路梗阻該將軍正在督兵攻剿雖

奉

盡去兵仗之寒而實無異寒賊計之人命需

旨嚴催勢不能舍楚豫而遠赴關中若專待其援陝必致鞭長莫及遙遙無期陝中事機將敗壞而不

可收拾山陝地方緊要早得一日保全卽少傷

一日元氣臣疊接該處官弁來稟並參以輿論

不盡在兵力之寡而實無振衰起惰之人僉謂

臣一入陝疆諸軍皆知震懾必可速了臣前有

令多隆阿就近勦辦南陽而臣兼顧關中之議

今既未蒙

俞允惟有馳赴河洛簡練軍實靜以待動奏入

上命議政王軍機大臣傳諭勝保多隆阿瑛棨成明曰
陝省回匪鴟張疊經飛催多隆阿一軍星速入關而
遲迴未進正深焦急茲據勝保奏粵逆攻撲南陽多
隆阿一軍已阻於賊之南不能赴陝陝省軍情萬緊
節據瑛棨等奏省城三面被圍回匪兇醜正熾業將
距省二十里之六村堡攻破屠戮省外各屬肆行焚
殺極爲慘毒孔廣順馬德昭等兵力本單不能大加

勦擊城中坐困望援萬分急切此時亟須速整大軍
迅圖攻勦卽著勝保統領全軍星馳赴陝督辦陝西
軍務所有該省各路官軍均歸節制關中形勝最要
之區該大臣膺茲重任自當奮力先驅督率所部迅
速前往將回匪盡力痛勦了解省圍其省外同州蒲
城等處應如何分軍援勦均著到陝酌度辦理回民
人數過多其中亦多良善被脅之徒如果被創能知

悔懼亦當勦撫兼施惟此時逆裔甚張斷不許先存
安撫之心輕議招降致爲逆黨所窺愈得肆其兇狡
多隆阿前軍雷正綰所部計已由襄鄖行近陝疆仍
著飭令星速入關俾資調遣陝省軍報不至又經數
日自六村堡失陷後情形又復如何瑛榮等務當竭
力固守以待援師成明計已督兵渡河蒲城是否解
圍此項京兵前飭馳赴潼關由大路前進正可與勝

保入關之師聲勢聯絡商同進取

二十一日

壬寅

前任伊犁將軍常清葉爾羌參贊

大臣景廉奏言據喀什噶爾辦事大臣奎英等

咨稱官兵追剿逃竄賊匪疊獲勝仗該匪逃出

卡外福珠凌阿帶領官兵駐紮伯什克呼木地

方嚴防密探搜捕餘匪

臣

等伏查此次賊匪係

著名首逆倭里罕黑阿渾之子分爲數股東擊

聞

西竄現探得該逆等由阿爾琥莊一帶逃出卡
外尤恐該匪詭詐或由賽里曼等處回竄不可
不妥爲布置臣等飛咨該城大臣奎英等源源
偵探一有信息卽相機兜剿務淨餘孽奏入報
同日勝保奏言據陝西探弁稟稱近因漢回搆
釁渭河南北州縣膏腴之地悉成焦土回匪兇

敵日熾逼近省垣等語臣查西安情形危急非
大兵赴援不可多隆阿一軍爲賊所阻尙在湖
北隨棗一帶屯紮以防南陽之賊勢不能舍楚
而赴陝而隨棗與南陽切近若令多隆阿就近
移兵剿辦其勢順而易成臣卽由洛陽直趨潼
關整頓各軍進援西安以保全陝其效速而易
舉若必以陝事專待多隆阿督辦則須由他道

大綱繞赴秦中非旬日所能到而秦省兵無統帥安
宜剋能先發制人遷延日久坐失事機將致省垣不
軍保賊勢日張迫至侵及直晉其患不可收拾殊
剋西非計之得也伏祈

聖明乾斷應否卽照臣前請早降

諭旨俾臣等有所適從免致貽誤大局奏入
上命議政王軍機大臣傳諭勝保多隆阿曰多隆阿所

部現在隨棗與南陽切近移兵進剿順而易成雷正
綰軍爲賊匪所隔均卽毋庸赴陝陝省回匪兇醜日
熾多隆阿旣不能剋期抵陝昨已降旨命勝保督辦
陝西軍務勝保統籌全局擬卽由洛陽直趨潼關整
軍進援西安以保全陝其效速而易舉所奏甚合機
宜陝省望兵如歲著卽督飭烏勒興阿等帶領馬步
大隊剋日進關節節掃蕩殲除逆匪安撫居民俾關

中一律廓清以副委任

至前吳淞縣回衆裁去至今

二十二日

癸卯

湖北巡撫嚴樹森奏言本年夏間

渭南一帶回民與漢民搆釁互相殘殺勢成燎

原前奉

五月間悉派熟土六

諭旨以多隆阿督辦陝西軍務查多隆阿馬步各軍將

抵襄陽正值賊匪擾及楚邊該將軍親至襄陽

督兵前進諒可迎刃而解惟臣近接陝中來函

備言渭河南北回民於四月二十五日從大荔之東大村起殺人放火焚戮甚慘現在咸甯長安臨潼咸陽華州大荔高陵三原醴泉涇陽等處漢回仍互相焚殺數百里間悉成焦土六月初五日回民竄擾省外西關其勢洶洶當起事之初幫辦團練防堵大臣張芾帶同知縣蔣若訥等前往和解行至油房街被回衆擁去至今

並無下落況陝西與甘肅接壤該省回民較陝
省尤多推而極之西口以外沙漠萬餘里皆屬
回部素稱雄鷲設皆起而滋事其害何可勝言
多隆阿公忠篤實威望素隆所部勁旅號稱無
敵日前行抵省城與總督官文籌商僉以西北
爲重決意西征臣督飭糧臺司道籌給餉銀數
逾十萬並撥發軍械以速其行一面飭令沿途

地方官多備米麪毋使缺乏刻下商雒已無賊蹤若能乘時疾趨入關扼定根本懾以兵威藉以寒省中回民之膽然後遴舉漢回公正官紳前往分別曲直持平解散不任稍有偏向並選派地方牧令素洽民心之員會同前往開諭所全實多相應請

旨飭催多隆阿侯鄂豫邊界稍清速督全部由襄陽鄧